

Pakico tin tanto hende yega na Ministronan cu arma di candela? Pakico Ministro a duna tanto hende permiso pa arma di candela?

ORANJESTAD (AAN)

Pueblo mas y mas ta cuminsa reacciona y cuestiona severamente e asunto hopi peligroso cu gobierno di MEP a bin ta parti permiso pa arma di candela bao di su mesun hendenan manera cu ta cowboy tin ta cana rond na Aruba y door di esey tin tanto arma di candela den circulacion.

Keto bay no tin claridad y un version oficial ainda di parti di gobierno pa loke ta trata e cantidad di permiso pa arma di candela cu a wordo duna durante ultimo tres aña y mey, pero ta wordo bisa cu mas cu 600 permiso di arma di candela a wordo duna y cu hopi hende cu ta traha directamente cu ministronan y hendenan yega na parlamentarionan y partido MEP a haya arma di candela pa cana cune.

No ta solamente den pueblo pregunta wordo haci encuan to arma di candela cu hopi coordinador y hendenan cu ta traha pa ministronan lo ta cana cune pasobra den Cuerpo Policial ta reina un disgusto masha grandi mes pa loke ta trata e cantidad di arma di candela cu hopi hende a haya oficialmente di e gobierno actual.

Polis tin e tarea pa cuida pueblo en general y ministronan y parlamentarionan tambe ta cay bao di e seguridad cu polis mester garantiza tur

hende riba e isla aki.

Ta pesey tambe polis no por compronde di con tin tanto coordinador di ministronan cu a haya arma di candela cu permiso oficial.

Pueblo y polis kier sa cu ki meta y cu ki hustificacion gobierno a duna tanto hende cu ta traha pa nan y cu nan, arma di candela?

Ta cu ki mete e hendenan menciona ta cana arma y ta miedo di kende nan tin y ta di con polis mes no por haci e trabao di seguridad cu mester a bay duna tanto hende arma di candela?

Tin polis cu kier a keda anonimo a duna di conoce na prensa, cu pueblo en general no mester lubida kico a pasa cu un coordinador di prome ministro Nel Oduber, a saca arma di candela y pone esaki riba cabes di un miembro di su mesun famia pa despues cu el a wordo deteni, den un frega di wowo Ministerio

Publico a laga e persona den libertad y te awe e ta traha hunto cu prome ministro y su caso no a wordo presenta dilanti hues.

Unda PG y Ministerio Publico a keda pa actua den e caso ey of ta presion y abuso di poder di parti di gobierno ta den wega den e caso aki cu a bin para caba den un husticia di clase unda cu pueblo por wak bon cla cu si ta trata di hendenan liga na ministronan ley no ta conta, pero pa cualkier otro ciudadano si mesora polis ta haya orden pa bay actua contra nan pasobra pa tur otro hende na Aruba si ley ta conta.

Mescos cu un coordinador di un ministro por saca arma y pone esaki riba cabes di un hende di su mesun famia, e por los tiro riba cualkier polis cu por bay actua contra dje y ey ta caminda cu e peliger grandi ta sinta cu tanto hende


cu permiso di arma di candela.

Pueblo ta exige di ministro di husticia pa e duna cuenta encuan to e cantidad di arma di candela cu tin oficialmente den circulacion y tambe pakico a duna tanto hende rond di ministronan arma di candela.

Palabra awor ta na gobierno di Aruba pa bay splica pueblo ta ki miedo tin cerca gobernantenan cu nan mester a arma nan mesun hendenan rond di nan y tambe ora cu tin cambio di gobierno si e hendenan cu awor ta cana rond arma manera cowboy ta bay entrega na arma si of no.

Segun Korpschef Bernardina

Ningun momento algo a worde declara door di Procurador General




ORANJESTAD (AAN)-Korpschef Mr. R.F. Bernadina pa medio di un fax a trece e siguiente punto dilanti enconecion cu e articulonan cu a sali den prensa tocante:

1. Procurador General a keda sin firma "Memo" manda pa Minister
2. Personal di flexi-team lo wordo cambia.

Locual ta concerni e prome, segun Korpschef Bernadina ta tur locual a wordo papia den e reunion mensual di "Justitieel Beleidsoverleg" na oficina di OM ta asunto interno y ningun momento algo a wordo declara door di procurador General manera e ta wordo scirbi den corant.

Locual ta concerni e di dos ta cu esaki a wordo papia den reunion di Korps Management Team. Ta keda na prerogativa di Korpschef pa lanta un team y kibre bek of prolonga esaki. Ora e noticia aki a wordo duna den e reunion di distritonan (locual ta algo normal) algun colega a tume probablemente na su manera y a laga haci noticia di dje.

FROM RUSSIA WITH LOVE!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Machine di
Veila
Afl. 39,95